

A Xunta de Goberno desta Deputación Provincial na súa sesión ordinaria do día 15 de novembro de 2024, adoptou, entre outros, o seguinte acordo:

18.34375.- MODIFICACIÓN DAS BASES REGULADORAS DO PROGRAMA “PROVINCIA + INCLUSIVA” PARA A CONCESIÓN DE SUBVENCÍONS DIRIXIDAS A ENTIDADES SEN FINS DE LUCRO SITUADAS EN CONCELLOS DE MENOS DE 50.000 HABITANTES DA PROVINCIA DE PONTEVEDRA, PARA A PROMOCIÓN DA ACCESIBILIDADE UNIVERSAL, A ELIMINACIÓN DE BARREIRAS E A ADQUISICIÓN DE AXUDAS TÉCNICAS (Expte.2023072114)

1º.- A Xunta de Goberno da Deputación de Pontevedra, na súa sesión ordinaria do día 19 de abril de 2024, aprobou mediante acordo número 34.33686 a convocatoria e bases reguladoras do programa “Pontevedra, provincia + Inclusiva”, para a concesión de subvencións dirixidas a entidades sen fins de lucro situadas en concellos de menos de 50.000 habitantes da provincia de Pontevedra, para a promoción da accesibilidade universal, a eliminación de barreiras e a adquisición de axudas técnicas.

2º.- A convocatoria foi publicada no BOPPO nº 82 de data 26 de abril de 2024, abríndose un prazo de dous (2) meses contados dende o día seguinte á mencionada publicación para presentar as solicitudes.

3º.- Finalizado dito prazo, rexistráronse un total de 31 solicitudes, que tal e como recolle a base décimo terceira da convocatoria, foron analizadas polo órgano instrutor, emitindo con data 21 de outubro de 2024 un informe proposta no que se recolle o resultado da devandita análise (CSV: Y8AOWZ9LZ0TTLQZT).

4º.- Con data 24 de outubro de 2024, Intervención emite informe de fiscalización das solicitudes, previo á aprobación polo órgano competente (CSV: M1Y2RA6N9CK469MQ).

Tras o informe da Comisión de Valoración (CSV: 6WKET8O8OUM3MDBV), o órgano instrutor formulou a proposta de resolución provisional con data 25 de outubro de 2024 (CSV QI0H2WRZH3TN3GDF), a cal se lles notificou ás entidades solicitantes, que, conforme a base décimo terceira, terán un prazo de dez (10) días para formular alegacións, contados a partir da publicación do anuncio da resolución provisional no BOPPO nº211 de 29 de outubro de 2024.

5º.- Iniciado o trámite de audiencia, as entidades manifestan dificultades para cumprir cos prazos de execución das obras, así como para o subministro das axudas técnicas por parte dos provedores dentro do prazo establecido na base quinta.

Con motivo de que as entidades beneficiarias poidan executar as actuacións para as que presentaron a solicitude de subvención, de *maneira excepcional, o prazo de execución das actuacións financiadas ampliarase ata o 28 de febreiro de 2025, polo que se propón a modificación das bases reguladoras do programa “Pontevedra, Provincia + Inclusiva” para a concesión de subvencións dirixidas a entidades sen fins de lucro situadas en concellos*

*de menos de 50.000 habitantes da provincia de Pontevedra para a promoción da accesibilidade universal, a eliminación de barreiras e a adquisición de axudas técnicas, no relativo aos prazos de execución e xustificación.*

6º.-Con data 06/11/2024 intervención e secretaría emiten a súa conformidade coa proposta de modificación das bases (CSV: RMMV9BY2ATXZBQ1N) e (CSV: K3Q7AUZ21FK18AFV)

Considerando que o órgano competente é a Xunta de Goberno xa que foi o órgano que aprobou as citadas bases, de conformidade co estipulado nas bases de execución do orzamento provincial, a Xunta de Goberno acorda por unanimidade:

Aprobar a modificación das bases quinta e décimo cuarta das bases reguladoras do Programa “Pontevedra, Provincia + Inclusiva” para a concesión de subvencións dirixidas a entidades sen fins de lucro situadas en concellos de menos de 50.000 habitantes da provincia de Pontevedra, para a promoción da accesibilidade universal, a eliminación de barreiras e a adquisición de axudas técnicas no ano 2024, no relativo aos prazos de execución e xustificación:

ONDE DI:

“ (...)

*Quinta. Gastos subvencionables e exclusións*

*As actuacións financiadas deberán executarse desde o 1 de xaneiro ata o 31 de decembro de 2024.*

(...)

*Décimo cuarta. Pagamento e xustificación*

*(...) O prazo de presentación da documentación xustificativa rematará o 28 de febreiro de 2025 (...)*”

DEBE DICIR:

“ (...)

*Quinta. Gastos subvencionables e exclusións*

*As actuacións financiadas deberán executarse desde o 1 de xaneiro de 2024 ata o 28 de febreiro de 2025.*

(...)

*Décimo cuarta. Pagamento e xustificación*

*(...) O prazo de presentación da documentación xustificativa rematará o 31 de marzo de 2025 (...)*”

O que lle comunico a Vde. para o seu coñecemento e efectos, coa salvidade que establece o art. 206 do RD 2568/86, de 28 de novembro.

*Asinado dixitalmente na data que figura á marxe.*

Contra este acordo que pon fin á vía administrativa poderá interpoñer recurso potestativo de reposición perante o mesmo órgano que o ditou, no prazo de un mes a partir do día seguinte ó desta notificación (*artigos 112 e 124 da Lei 39/2015, de 1 de outubro, de Procedemento Administrativo Común das Administracións Públicas*), ou ben, directamente recurso contencioso-administrativo perante o Xulgado do Contencioso-Administrativo de Pontevedra segundo o disposto no artigo 8 da Lei 29/1998, de 13 de xullo, Reguladora da Xurisdición Contencioso-Administrativa, e todo iso no prazo establecido no artigo 46 da citada Lei.

Todo iso sen prexuízo de que poida utilizar calquera outro recurso que estime conveniente.